

cum haerentia liquida cruda & immutata versus locum minoris
resistentiae vrgeant, multum prae reliquis periculi ominentur.
Quae tertia lege agunt, neglecta a plerisque, imo auxilii instar
considerata, longe tutius laedunt. Quis nescit, quo consensu
multi purgantibus sollicitare aluum, quae partim atoniam relin-
quunt partium, partim stimulo suo easdem illuuii prauorum (a)
humorum exponunt, imo in saeuitia doloris & orgasmo poda-
grico venam secare haud dubitant? ita vero ipsam illam vim, quae
ab interioribus arcet, infringunt, & motum vitalem repulsioni ab
extremis obnitentem manifeste labefactant. (b) Proinde neces-
se est a redundante malo vitalia viscera obrui, & funestam cum
perniciæ aegrotantium metastasin fieri. Eadem, cum improvido
euacuantium usu, terror imprimis praestat, qui cordis actionem
ad momentum sistit, &, quod pallor faciei & extremorum pro-
bat, fluida a minoribus ramis ad maiores regurgitare permittit.
Id, cum fiat in vasis sanguiferis, ad eandem similitudinem de re-
liquis vasculorum seriebus statuendum est. Nec diuersa est ratio,
cur opiata & narcotica hic subiungimus, quia vim cordis proie-
ctilem minuendo arma deturbandi ex sede interiorum viscerum
mali

(a) Vid. Th. SYDENHAM, Tr. de Pod. p. 447.

[b] Dum retropulsio impacti fit per systolen vasis, quae patente via
vrget, velut in pellucidis animalium vasis apparet, in quibus
liquidum a corde expressum ab arteriis ex parte ad ipsum ocu-
li sensum agitur retrorsum: palam est, quo minus vis cordis
vrget & dilatat, eo certiore vasorum collapsum contenta
retropellere.